

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-4597-9/22

Datum: 02.09.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka d) i e), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivnu nabavku rezervnih dijelova za motorna vozila za potrebe Uprave policije, imenovane Rješenjem broj: 02/5-1-30-1-3791 od 10.05.2022. godine, u postupku javne nabavke rezervnih dijelova za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O PONIŠTENJU POSTUPKA JAVNE NABAVKE REZERVNIH DIJELOVA ZA MOTORNA VOZILA

I

Poništava se postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, i to:

1. iz razloga što nijedna od primljenih ponuda nije prihvatljiva:
 - LOT 1 – Nabavka rezervnih dijelova za motorna vozila marke VW

2. iz razloga što su cijene svih prihvatljivih ponuda znatno veće od osiguranih sredstava za predmetnu nabavku:
 - LOT 2 – Nabavka rezervnih dijelova za motorna vozila marke Ford
 - LOT 4 – Nabavka rezervnih dijelova za motorna vozila marke Toyota
 - LOT 5 – Nabavka rezervnih dijelova za motorna vozila marke Škoda
 - LOT 7 – Nabavka rezervnih dijelova za motorna vozila marke Renault
 - LOT 8 – Nabavka rezervnih dijelova za motorna vozila marke Fiat
 - LOT 11 – Nabavka rezervnih dijelova za motorna vozila marke Peugeot
 - LOT 12 - Nabavka rezervnih dijelova za motorna vozila marke Suzuki.

II

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-4597/22 od 16.06.2022. godine i Obavještenja o nabavci broj: 16475-1-4-31-3-59/22 od 17.06.2022. godine, proveden je otvoreni postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja okvirnog sporazuma na period od 24 mjeseca.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-4597/22 od 09.08.2022. godine.

Prema Zapisniku sa otvaranja ponuda broj: 02-11-4-4597/22 od 09.08.2022. godine za aktivno učešće u postupku dostavljene su ponude ponuđača za:

- LOT 1 - Autoelektra d.o.o. Sarajevo i Kare d.o.o. Sarajevo,
- LOT 2 - Autoelektra d.o.o. Sarajevo i Kare d.o.o. Sarajevo,
- LOT 4 – Bunjo d.o.o. Sarajevo, Autoelektra d.o.o. Sarajevo i Kare d.o.o. Sarajevo,
- LOT 5 - Autoelektra d.o.o. Sarajevo i Kare d.o.o. Sarajevo,
- LOT 7 - Autoelektra d.o.o. Sarajevo i Kare d.o.o. Sarajevo,
- LOT 8 - Autoelektra d.o.o. Sarajevo i Kare d.o.o. Sarajevo,
- LOT 11 - Autoelektra d.o.o. Sarajevo i Kare d.o.o. Sarajevo,
- LOT 12 - Autoelektra d.o.o. Sarajevo i Kare d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-4597-6/22 od 22.08.2022. godine, kojim je utvrdila slijedeće:

- da za LOT 1 je pristigla ponuda ponuđača Autoelektra d.o.o. Sarajevo. Ponuda je nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, potvrde koje su dostavljene na strani 171. – 176. ponude, ne ispunjavaju uslove tenderske dokumentacije u kontekstu uredno izvršenih najviše četiri ugovora u toku prethodne tri godine u visini minimalno 50% procjenjene vrijednosti lota za koji se ponuđač prijavljuje.

U skladu sa naprijed navedenim, ponuda ponuđača Autoelektra d.o.o. Sarajevo za Lot 1 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da za LOT 1 je pristigla ponuda ponuđača Kare d.o.o. Sarajevo. Ponuda je nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, potvrde koje su dostavljene na strani 112. – 115. ponude, ne ispunjavaju uslove tenderske dokumentacije u kontekstu uredno izvršenih najviše četiri ugovora u toku prethodne tri godine u visini minimalno 50% procjenjene vrijednosti lota za koji se ponuđač prijavljuje.

U skladu sa naprijed navedenim, ponuda ponuđača Kare d.o.o. Sarajevo za Lot 1 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da za LOT 4 je pristigla ponuda ponuđača Bunjo d.o.o. Sarajevo. Ponuda je nepotpuna i ne ispunjava uslove iz tačke 25. tenderske dokumentacije. Naime, ponuđač Bunjo d.o.o. Sarajevo je u članu 3. Nacrta ugovora unio vrijednost od 39.410,00 KM, dok je vrijednost njegove ponude iz Obrasca za cijenu ponude (Aneks III) 334.442,59 KM. Takođe, u članu 2. Nacrta ugovora brojčano je unio vrijednost od 49.410,00 KM dok je slovima unio četrdesethiljadačetiristotine i 10/100, te je i u članu 3. Nacrta ugovora uneseno 49.410,00 (slovima četrdesethiljada i 410/100 KM). Komisija je utvrdila da se radi o različitim podacima koji nisu podaci iz ponude – Obrasca za cijenu ponude (Aneks III).

Članom 58. stav (1) tačka g) Zakona o javnim nabavkama („Službeni glasnik BiH“, br. 39/14) i članom 9. stav (2) tačka i) Uputstva za pripremu modela tenderske dokumentacije i ponuda („Službeni glasnik BiH“, br. 90/14, 53/15) propisano je da ponuda obavezno mora da sadrži i potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji.

Sve stranice ponude ponuđača je parafirala Alena Raunić, koja je navedena u Obrascu za ponudu (Aneks II) kao kontakt osoba, ali uvidom u aktuelni izvod iz sudskog registra koji je dostavljen u ponudi na strani 6. – 11. Alena Raunić nije navedena kao ovlaštena osoba, niti je u ponudi ponuđač dostavio ovlaštenje/punomoć da imenovana može potpisivati stranice ponude.

Iz navedenih razloga Komisija cijeni da imenovana nema ovlaštenja, nema zakonski legitimitet da potpiše ponudu i sve dokumente u ponudi.

Takođe, utvrđeno je da je ponudena vrijednost za Lot 4 gotovo deset puta veća od procjenjene vrijednosti nabavke za Lot 4.

U skladu sa naprijed navedenim, ponuda ponuđača Bunjo d.o.o. Sarajevo za Lot 4 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U ponudi ponuđača Bunjo d.o.o. Sarajevo vršena je ispravka:

- Na strani 25. – LOT 4 u Obrascu za cijenu ponude (Aneks III) u koloni „ukupna cijena po stavki bez PDV-a“, u stavci 48. izvršena je ispravka cijena (ispravka je urađena na propisan način)
- Na strani 27. – LOT 4 u Obrascu za cijenu ponude (Aneks III) u koloni „ukupna cijena po stavki bez PDV-a“, u stavci 105. izvršena je ispravka cijena (ispravka je urađena na propisan način)

U ponudi ponuđača Autoelektra d.o.o. Sarajevo vršena je ispravka:

- Na strani od 33. – 36. na dokumentu Nacrt okvirnog sporazuma (Aneks X) izvršena je ispravka broja stranice (ispravka je urađena na propisan način).

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Autoelektra d.o.o. Sarajevo za LOT 2, nakon ispravljanja računске greške, treba da iznosi 78.774,00 KM umjesto pogrešno upisanih 78.115,00 (razlika 659,00 KM);
 - Ukupni iznos u ponudi ponuđača Autoelektra d.o.o. Sarajevo za LOT 4, nakon ispravljanja računске greške, treba da iznosi 69.406,00 KM umjesto pogrešno upisanih 69.386,00 (razlika 20,00 KM);
 - Ukupni iznos u ponudi ponuđača Autoelektra d.o.o. Sarajevo za LOT 5, nakon ispravljanja računске greške, treba da iznosi 82.542,00 KM umjesto pogrešno upisanih 82.832,00 (razlika 290,00 KM);
 - Ukupni iznos u ponudi ponuđača Autoelektra d.o.o. Sarajevo za LOT 11, nakon ispravljanja računске greške, treba da iznosi 13.260,00 KM umjesto pogrešno upisanih 13.320,00 (razlika 60,00 KM), te da ukupna cijena za ugovor sa PDV-om treba da iznosi 15.514,20 KM;
 - Ukupni iznos u ponudi ponuđača Kare d.o.o. Sarajevo za LOT 2, nakon ispravljanja računске greške, treba da iznosi 166.154,00 KM umjesto pogrešno upisanih 165.754,00 (razlika 400,00 KM).
- Na upućene zahtjeve ponuđači su u ostavljenom im roku dali svoju saglasnost za ispravku računskih grešaka.

Uvidom u ponude ponuđača Autoelektra d.o.o. Sarajevo i ponuđača Kare d.o.o. Sarajevo Komisija je utvrdila da su ponudene ukupne cijene za LOT 2, LOT 4, LOT 5, LOT 7, LOT 8, LOT 11 i LOT 12 znatno veće od od osiguranih sredstava za predmetnu nabavku. U članu 1. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16) da ta je definicija e-Aukcije, koja glasi: „E-Aukcija je način provođenja dijela postupka javne nabavke, koji uključuje podnošenje novih cijena, izmjenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacijskom sistemu e-Nabavke.“

S obzirom na navedeno, sa aspekta transparentnosti i podstičući aktivnu konkurenciju, svrsishodno i efikasno je dopustiti učestvovanje u e-Aukciji i ponuđačima čije ponude premašuju iznos procjenjene vrijednosti nabavke, jer će ponuđači zasigurno snižavati svoju cijenu i na taj način u krajnjoj liniji učiniti svoje ponude prihvatljivim u pogledu cijene.

Budući da se u postupcima nabavki u kojima se provodi e-Aukcija ponude rangiraju nakon e-Aukcije, tako se i odluka o izboru/poništenju postupka nabavke donosi nakon e-Aukcije.

Nakon ovoga stekli su se uslovi za zakazivanje e-Aukcije.

E-aukcija je zakazana za dan 24.08.2022. godine sa početkom u:

- 11.00 sati za Lot 2;
- 12.00 sati za Lot 4;
- 12.30 sati za Lot 5;

- 13.30 sati za Lot 7;

- 14.00 sati za Lot 8.

E-aukcija je zakazana za dan 25.08.2022. godine sa početkom u:

- 10.00 sati za Lot 11;

- 10.30 sati za Lot 12.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-Aukcije Ugovorni organ je dobio Izvještaj Agencije za javne nabavke BiH o uspješno završenoj e-Aukciji i najpovoljnijem ponuđaču nakon završetka e-Aukcije. U toku e-Aukcije nije došlo do smanjivanja cijena i podnošenja novih ponuda.


Nakon izvršenog rangiranja ponuda, Komisija je utvrdila da shodno kriteriju za dodjelu ugovora „najniža cijena“, kvalificirani ponuđač Autoelektra d.o.o. Sarajevo je za Lot 2, Lot 4, Lot 5, Lot 7, Lot 8, Lot 11 i Lot 12 ponudio ukupne cijene koje znatno premašuju procjenjenu vrijednost nabavke i znatno su veće od osiguranih sredstava za predmetnu nabavku.

S obzirom da ugovorni u ovom momentu ne može obezbjediti nedostajući iznos sredstava za okvirni sporazum/ugovor koji treba da dodijeli ponude ponuđača Autoelektra d.o.o. Sarajevo i Kare d.o.o. Sarajevo nisu prihvatljive u ekonomskom smislu.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka d) i tačka e) Zakona o javnim nabavkama („Službeni glasnik BiH“, broj 39/14), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.



POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
2. Ponuđaču x3
3. Odjeljenju za odnose s javnošću, radi objave na web stranici ovog organa
4. a/a